

ERABAKIAK HARTZEKO: NIRE LAN-BALIOAK

Helburua	Lana aukeratzeko norberarentzat baliotsua dena adieraztea, erabakiak hartzerakoan balioen garrantziaz ohartzeko.
Maila	3. maila.
Denbora	Saio bat.
Baliabideak	"Nire balioak" fitxa. Kalkulagailua batez besteko puntuazioak ateratzeko.
Garapena	"Nire balioak" fitxako sarrera poliki irakurtzea komeni da ondo ulertzeko balioak zer diren, eta zein garrantzitsuak diren gure bizitza gidatzeko.

Galdeketa betetzen has daitezke ikasleak ondoren. Fitxa horretan lan balio zerrenda aurkituko dute eta hiru zutabe: NP (Norbanako Puntuazioa), TP (Taldekoko Puntuazioa) eta GP (Gelako Puntuazioa).


Lehenengo fasea **norbanako lana** da eta garrantzitsuena gainera: ikasleak **NP** zutabean balio bakoitzaren puntuazioa idatziko du, harentzat duen balioaren arabera, 1 ia baliorik ez duena eta 10 asko baloratzen duena izanik. Ondoren gehien baloratzen dituenetatik 5 baino gehiago ezin dituu aukeratu eta horiek beheko laukian idatzi, garrantziaren arabera.

Bigarren fasean norbanako datuak konpartitzeko aukera izango dute ikasleek, gelako batez bestekoak ateratzeko. Horretarako 5/6 ikasleko taldeetan elkartuko dira eta datuak kontrastatu ondoren taldekoko batez bestekoak idatziko dituzte **TP** zutabean. Talde guztiek bukatzen dutenean gelako batez bestekoak aterako dituzte eta emaitzak **GP** zutabean jaso. Bukatzeko, puntuazio altuena dutenetatik bost balio aukeratu dituzte, gelakoentzat baliotsuenak direnak.

Tutoreak kontuan hartuko du batez besteko datuak ateratzea aitzakia besterik ez dela balioen inguruan hausnarketa egiteko. Beraz, datu zehatzak baino garrantzitsuago, ikasleentzat baliotsua zer den argitzea, eta norberak duen balio-eskalaz ohartaraztea da.



nire lan-balioak



Askotan konturatzen ez garen arren, erabakiak hartzen ari gara etengabe. Gehienetan erabaki xumeak eta arruntak dira, garrantzi gutxiokoak: hau jantzi edo beste hori; hemendik joan edo hortik; orain egin edo gerorako utzi... Bestetan, berriz, ondo pentsatu beharreko erabakiak dira: lagun horren eskaerari bai ala ez erantzun; lehiaketa horretan parte hartu ala ez...

Baina, zergatik aukeratzen dugu gauza bat eta ez bestea? Inoiz pentsatu al duzu zertan oinarritzen garen gauza bat hartu eta bestea atzera botatzeko?

Erabakiak hartzen ditugunean, **guretzat baliotsua dena** hartzen dugu kontuan. Horiek **gure balioak** dira: **gure portaera eta arau-sistema baldintzatzen dituzten oinarritzko ideiak**.


Historian zehar mundua gizatiarrago egiteko arau-sistema baten beharra ikusi dugu gizakiok. Horrela **askatasuna, bakea, egia, justizia, ontasuna, edertasuna...** bezalako ideiak **balio unibertsalak** bihurtu dira. Baliotsua zer den adostea erraza da: nork ez luke horrelako mundu batean bizi nahi? Praktikan jartzea, berriz, ez omen da hain erraza: zenbat gatazka, injustizia eta gezurra dago gaur egun munduan?



Balio unibertsal guzti horiez gain, badira ere eguneroko bizitzan gure portaera baldintzatzen dituzten beste zenbait balio: **adiskidetasuna, osasuna, ingurumena, arrakasta, sormena, ongizatea, egiazaletasuna...**

Baliotsua denari buruz orokorrean ados egon arren, zein den baliotsuago pertsonalagoa da. Bizitzan zehar norberaren bizipen pertsonal eta sozialen bitartez joan gara balioak ordenatzen garrantziaren arabera, **norbanakoa** den **balio-eskala** osatuz.

Beraz, **bizitzan balio-eskala da gure gida**: gehien baloratzen dudanaren arabera hartuko ditut nire erabakiak. Adibidez, zer jantzi erabakitzerakoan, galtza zahar eta eroso horiek aukeratuko ditut niretzat erosotasuna baliotsua bada; edo markako galtza berri horiek aukeratuko ditut, erosoak ez izan arren, niretzat gizarte-arrakasta erosotasuna baino baliotsuagoa bada.



Bakoitzaren balio-eskala ezagutzea, beraz, interesgarria da gure erabakiak zertan oinarritzen diren jakiteko. Laster erabaki beharko duzu zer ikasi DBH bukatu ondoren, eta ikasketak amaitzerakoan lanean hasiko zara. Demagun aukera bat baino gehiago izango dituzula. **Lana aukeratzerakoan, zer da guretzat baliotsua dena?**



Ondorengo jardueran zure **lan-balioak** zeintzuk diren argitzeko bidea duzu. Gainera zure taldean orokorrean lana aukeratzerakoan zer baloratzen den ere ezagutuko duzu.


Galdeketa lan-balio zerrenda duzu. Horiek baloratu behar dituzu 1etik 10era, ia baloratzen ez duzuna 1 eta guretzat oso baliotsua dena 10 izanik. Puntuazioak **NP (Norbanako Puntuazioa)** zutabean idatziko dituzu. Puntuazio altuena duten **5 balio aukeratu** eta horiek galdeketaaren beheko taulan ordenatuko dituzu garrantziaren arabera.

Gelaren batezbesteko puntuazioa lortzeko, 5/6 ikasleko taldeetan jarrita batezbestekoak atera eta TP (Taldekoko Puntuazioa) zutabean idatzi. Datu horiekin errazago aterako da Gelako Puntuazioa (GP).

Gehien baloratuko dituzun lan-balioak eta gelakoak berdinak al dira?

Lana aukeratzeko balioak		BP	TP	GP
1	Edertasuna, estetika, musika eta artearekin disfrutatzeko aukera izatea			
2	Disfrutatzea, ondo pasatzea, dibertsioa			
3	Aberastasuna, luxua, diru asko lortzeko aukera izatea			
4	Erosotasuna: etxetik gertu egotea, arazorik gabe lana egitea...			
5	Independentzia: norbere nagusia izatea			
6	Abenturak, bidaiatzeko aukera izatea			
7	Ekologia, ingurumena zaintzea			
8	Gizartearen onarpena, besteen aurrean norbait izatea			
9	Harremanak, lan giro ona izatea			
10	Sormena garatzeko aukera izatea			
11	Gehiago ikasteko aukera izatea			
12	Justiziaren alde lan egiteko aukera izatea			
13	Besteei laguntzeko aukera izatea			
14	Askatasuna edukitzea: ordutegi malguak, bidaiatzea, aukerak...			
15	Gizarte laguntza: mundua hobetzearen alde zerbait egitea			
16	Bakearen alde lana egiteko aukera izatea			
17	Norberaren errealizazioa: egiteko gai naizena aurrera eramateko aukera izatea			
18	Osasuna zaintzea			
19	Segurtasuna lortzea: pertsonala, ekonomikoa...			
20	Sinesten dudanarekiko koherentzia			
21	Ospea, fama, arrakasta lortzeko aukera izatea			
22	Boterea, nagusia izatea, erabakiak hartzeko aukera izatea			
23	Apaltasuna, diskrezioa, besteek erabakitakoa egitea			
24	Ordena, lasaitasuna, egonkortasuna			

Nire lan-balioak	Gelakoen lan-balioak
1	1
2	2
3	3
4	4
5	5



Jardueraren balorazioa

Data _____

Taldea _____

Helburua betetze-maila

- Lana aukeratzekoan norberarentzat baliotsua dena adieraztea, erabakiak hartzerakoan balioen garrantziaz ohartzeko.

☐

ongi

☐

nahiko

☐

eskas

.....

.....

.....

.....

Iruzkinak

Baliagarria izan dena

.....

.....

.....

.....

Sortutako arazoak

.....

.....

.....

.....

Aldatu beharrekoa

.....

.....

.....

.....